

雲南府志輯

中國地方志集成

康熙元縣志



中國地方志集成

雲南府縣志輯 ⑥1

康
輿
元
謀
縣
志

鳳凰出版社 ● 上海書店 ● 巴蜀書社

元謀縣志序

夫邑之有志猶國之有史所以
昭信紀實別疆分里使天下後
世得以觀感而則效焉至於殊
方絕域蠻煙瘴厲之地俗尚儉
朴士少聞見即有一二偉人殘

編斷簡湮沒無傳若不筆之於
志則無以知山川形勝之奇忠
孝節烈之事且無以宣
至朝光昌之化故志之脩於禮明樂
備之鄉者誠亟而脩於深箐叢
莽之區者尤不容緩也余筮仕

中翰歷任部曹數年來總不知
外吏之艱乙亥仲夏啣

命出神京守武陽過都越國道經萬
餘里而至滇南見省會文武衣
冠之盛不讓中土心竊幸之迨
抵任所城廓傾圯民社零落登

高遠望數家百姓四壁蕭然往
來彝裸鬻頭垢面跣足裸裎無
異鳥獸同羣也欲廣諮詢恐來
好事之譏欲安固陋難免素殫
之誚掩關抱膝寤寐皇皇何暇
計及於麗屬之志書哉雖然苟

為其人而博採脩輯之

道聞風俾我

聖朝幅幘萬里聲教誕敷而成巨澤

之觀也適元謀令莫君持一卷

相示請序於予緣簿書鞅掌未

反討論啟視大畧條分縷晰頗

有可觀不禁穆然興嘆曰嘖嘖
元邑僻處邊末重山疊障土
炎燠異常攝生猶恐不贍奚能
舉從前未有之事而一旦創立
之且不止記山川名勝資紙上
觀覽而留心經濟黼黻

皇猷將古今人物忠臣孝子義夫節

婦凡有關於風化人心者悉

入帙瞭若指掌信乎天下無難

為之事而難治事之人有其人

則事易成而功可垂之永久矣

此頑廉懦立感奮興起不僅有

裨於遐荒異域實足取信於天
下後世所謂邑之有志猶國之
有史也蓋可忽乎哉予雖不敏
勉為蕪詞以待後來採風問俗
之賢者

康熙歲次丙子孟秋中憲大夫

知武定府事北海郭一珞撰

球
加
多
秋
學
大
致
殊
一
部
集

元謀縣志序

周官外史掌四方之志小史掌
邦國之志古志以史領之故志
與史一也今天下麗邑皆有志
而獨於滇十不得五六焉是亦
一缺也省會有志

制憲范公

撫憲王公會疏

題請脩輯而一時宦於滇省吳公

丁公皆

盛朝名彥而為之董其事彬彬奕奕

粹然成書以達於

朝武定則又立府志乃為麗伯襄平
王公裁定而皆出諸大夫制作
其紀人紀事文而簡工而備邊
遠遐荒有史以領之匪特為地
方載山川之勝而政事文章實
有賴焉使後至者知有前徽之

可仰而勉勗焉豈非臨民者不
當急乎不敏舜禹來尹是邑觸
目蒿萊方且綏馭之不暇教之
育之急於公者董之設施拮据
何能他反於是首葺

聖廟漸次而備五年來孳孳皇皇苦

心勞思邑稱粗安乃於聽事之
暇集諸文士為創立邑志以垂
後之觀覽而邊末一切不能周
知即有名山大川既未逢靈運
之屐復無隱逸名賢出於其中
使天地靈秀昧於彰著舜禹乃